



Broj: 10/E-11-7430/22
Sarajevo, 30 -11- 2022 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14) (u daljem tekstu: Zakon), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Komisije za nabavku roba, usluga i radova I (u daljem tekstu: Komisija I), u postupku javne nabavke HTZ opreme (radne odjeće i obuće), putem konkurentskog zahtjeva za dostavu ponuda, uz primjenu e-aukcije (Zapisnik o pregledu i ocjeni ponuda broj: 10/E-11-7430/22 od 22.11.2022. godine), Opštinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača „EURO VEZ“ d.o.o. Tešanj, ulica Jelah, Rosulje broj 82, 74 264 Tešanj, broj: 120-11/22 od 07.11.2022. godine, za nabavku HTZ opreme (radne odjeće i obuće), putem konkurentskog zahtjeva za dostavu ponuda, sa umanjenom cijenom nakon uspješno provedene e-aukcije, u ukupnom iznosu **12.797,00 bez PDV-a**, odnosno **14.972,49 KM sa PDV-om**.
- II. Izabrani ponuđač je dužan dokaze iz tačke 2.1, podtačke 2.1.3. i 2.1.4. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije).
- III. Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i člana 71. stav (2) Zakona o javnim nabavkama.
- IV. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak za javnu nabavku HTZ opreme (radne odjeće i obuće), putem konkurentskog zahtjeva za dostavu ponuda, uz primjenu e-aukcije, pokrenut je Odlukom Opštinskog načelnika o pokretanju postupka javne nabavke, broj: 10/E-11-7430/22 od 20.10.2022. godine.

Obavještenje o nabavci broj: 848-7-1-194-3-140/22 od 04.11.2022. godine objavljeno je na Portalu E-nabavke, shodno članu 88. stav (1) Zakona.

Procijenjena vrijednost javne nabavke iznosi 12.820,50 bez PDV-a.

U roku za predaju ponuda koji je određen tenderskom dokumentacijom (15.11.2022. godine do 10:00 sati), na adresu Ugovornog organa dostavljene su dvije (2) ponuda i to: 1. „EURO VEZ“ d.o.o. Tešanj i 2. „USLUŽNOST“ d.o.o. Sarajevo.

U skladu sa članom 63. Zakona o javnim nabavkama BiH, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane je cijena ponuda, kako slijedi:

R/b	Ponuđač	Ukupna cijena u KM bez PDV-a	Popust	Ukupna cijena u KM sa PDV-om
1.	„EURO VEZ“ d.o.o. Tešanj	12.800,00	/	14.976,00
2.	„USLUŽNOST“ d.o.o. Sarajevo	12.810,00	/	14.987,70

Nakon izvršenog javnog otvaranja ponuda, na zatvorenom sastanku Komisija I je pristupila detaljnoj analizi dokumentacije priložene uz ponude u smislu provjere njihove potpunosti i ispravnosti, kao i usklađenosti sa zahtjevima Ugovornog organa iskazanim u tenderskoj dokumentaciji.

Nakon što je konstatovala da su dostavljene ponude blagovremene, formalno-pravno ispravne, prihvatljive i sačinjene u skladu sa zahtjevima iz tenderske dokumentacije, Uputstvom za pripremu modela tenderske dokumentacije i Zakonom o javnim nabavkama BiH, Komisija I je izvršila detaljnu provjeru računске ispravnosti pristiglih ponuda.

Tom prilikom Komisija I je ustanovila da u ponudi ponuđača „EURO VEZ“ d.o.o. Tešanj, u Obrascu za cijenu ponude - robe (Aneks 2) i u Obrascu za ponudu (Aneks 1), postoji računska greška u sljedećim stavkama:

Na stranici ponude, redni broj 4, OBRAZAC ZA CIJENU PONUDE - ROBE, tabela:

- Stavka pod rednim brojem 9. Klompe, koža, kvalitetne, u rubrici **Ukupno KM po stavci bez PDV-a**, pogrešno je upisan iznos nastao množenjem količine, prema zadanoj jedinici mjere, i jedinične cijene opisane roba, tako da je umjesto iznosa **700,00**, upisan iznos **500,00**.
- U rubrici **UKUPNO** pogrešno je upisan iznos **12.800,00**, a treba da stoji iznos **13.000,00**.
- U rubrici **Cijena bez PDV-a** pogrešno je upisan iznos **12.800,00**, a treba da stoji iznos **13.000,00**.
- U rubrici **UKUPNO sa popustom bez PDV-a** pogrešno je upisan iznos **12.800,00**, a treba da stoji iznos **13.000,00**.
- U rubrici **PDV 17%** pogrešno je upisan iznos **2.176,00**, a treba da stoji iznos **2.210,00**.
- U rubrici **UKUPNO sa popustom i PDV-om (KM)** pogrešno je upisan iznos **14.976,00**, a treba da stoji iznos **15.210,00**.
- U rubrici **SLOVIMA** - pogrešno je upisano **četnaesthiljadadevestotinasedamdesetšest 00/100 KM**, a treba da stoji **petnaesthiljadadvijestotinedeset i 00/100 KM**.

U vezi sa prednje navedenim, Komisija I je dalje konstatovala:

Na stranici ponude, redni broj 2, OBRAZAC ZA PONUDU, stavka pod rednim brojem 3:

- Cijena naše ponude (bez PDV-a) - pogrešno je upisan iznos 12.800,00 KM, a treba da stoji iznos 13.000,00 KM

Na stranici ponude, redni broj 3, OBRAZAC ZA PONUDU, nastavak stavke pod rednim brojem 3:

- Cijena naše ponude, sa uključenim popustom - pogrešno je upisan iznos **12.800,00 KM**, a treba da stoji iznos **13.000,00 KM**
- PDV na cijenu ponude (sa uračunatim popustom) - pogrešno je upisan iznos PDV-a **2.176,00 KM**, a treba da stoji iznos **2.210,00 KM**
- Ukupna cijena za ugovor - pogrešno je upisan iznos **14.976,00 (sa PDV-om)**, a treba da stoji **15.210,00 KM**
- Slovima-pogrešno je upisana cijena slovima **četnaesthiljadadevestotinasedamdesetšest i 00/100 KM**, a treba da stoji **petnaesthiljadadvijestotinedeset i 00/100**.

Tim povodom dana 16.11.2022. godine Komisija I je od ponuđača „EURO VEZ“ d.o.o. Tešanj, dostavom dopisa broj: 10/E-11-7430/22, tražila pismeno izjašnjenje o uočenoj računskoj grešci i saglasnost za ispravku, u skladu sa odredbama Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15).

Dana 17.11.2022. godine ponuđač „EURO VEZ“ d.o.o. Tešanj je dostavio dopis broj: 017-11/22 od 17.11.2022. godine, kojim daje saglasnost za ispravku svih navedenih stavki, kao i za izmjenu konačne cijene dostavljene ponude.

Komisija I je u cjelosti prihvatila izjašnjenje ponuđača „EURO VEZ“ d.o.o. Tešanj, te je u daljem toku postupka ocjene i evaluacije ponude prihvaćena ispravljena cijena za nabavku i isporuku robe.

Dana 17.11.2022. godine ponuđač „USLUŽNOST“ d.o.o. Sarajevo je kao učesnik u postupku javne nabavke pismeno obaviješten prednje navedenom.

U predmetnom postupku dana 21.11.2022. godine sa početkom u 10:00 sati održana je e-aukcija, završena istog dana u 10:10 sati. O rezultatima provedene e-aukcije postoji Izvještaj o toku i završetku e-aukcije od 21.11.2022. godine.

Rangiranje prihvatljivih ponuda prema kriteriju za izbor ponude „najniža cijena“ u skladu sa članom 64. stav 1. tačka b), a nakon održane e-aukcije:

R/b	Ponuđač	Konačna cijena ponude u KM bez PDV-a
1.	„EURO VEZ“ d.o.o. Tešanj	12.797,00
2.	„USLUŽNOST“ d.o.o. Sarajevo	12.810,00

Komisija I je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

prvorangiranog ponuđača „EURO VEZ“ d.o.o. Tešanj, ulica Jelah, Rosulje broj 82, 74 264 Tešanj, broj: 120-11/22 od 07.11.2022. godine, za nabavku HTZ opreme (radne odjeće i obuće), putem konkurentskog zahtjeva za dostavu ponuda, sa umanjenom cijenom nakon uspješno provedene e-aukcije, u ukupnom iznosu **12.797,00 bez PDV-a**, odnosno **14.972,49 KM sa PDV-om**. Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) Zakona o javnim nabavkama BiH.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama BiH.

Žalba se podnosi u dovoljnom broju primjeraka, a koji ne može biti manji od tri.



OPŠTINSKI NAČELNIK
Srđan Mandić

Prilog: Zapisnik o pregledu i ocjeni ponuda
broj: 10/E-11-7430/22 od **24 - 11 - 2022** godine

DOSTAVITI:

1. „EURO VEZ“ d.o.o. Tešanj
ul. Jelah, Rosulje broj 82, 74 260 Tešanj
2. „USLUŽNOST“ d.o.o. Sarajevo
ul. Branilaca Sarajeva broj 39, 71 000 Sarajevo
3. Službi za zajedničke i tehničke poslove
4. Kabinetu općinskog načelnika - Odsjek za javne nabavke
5. Službi za finansije
6. U spis